




Број: 17-21-2988-2/23  
Сарајево, 06. октобар 2023. године

**ПАРЛАМЕНТАРНА СКУПШТИНА  
БОСНЕ И ХЕРЦЕГОВИНЕ**

**- ПРЕДСТАВНИЧКИ ДОМ  
- ДОМ НАРОДА**

 BOSNA I HERCEGOVINA PARLAMENTARNA SKUPSTINA BOSNE I HERCEGOVINE SARAJEVO			
PRIMLJENO: 06.10.2023			
Organizaciona jedinica	Klasifikaciona oznaka	Redni broj	Broj priloga
01,02	-21-1	2141	103

**Предмет: Сагласност за ратификацију споразума, тражи се**

У складу са чланом 16. Закона о поступку закључивања и извршавања међународних уговора ("Сл. гласник БиХ", бр 29/00 и 32/13), достављамо вам:

Споразум између Савјета министара Босне и Херцеговине и Владе Републике Хрватске о реконструкцији моста Брчко (БиХ) – Гуња (РХ) на М14.1 (БиХ)/ДЦ 214 (РХ). Споразум је потписан 12. септембра 2023. године у Сарајеву, а потписао га је, у име Босне и Херцеговине, г. Един Форто, министар комуникација и транспорта Босне и Херцеговине.

Будући да је Министарство комуникација и транспорта БиХ надлежно за провођење поступка за закључивање овог споразума, молимо вас да на састанке ваших комисија, односно сједнице Домова, поред представника Предсједништва БиХ, као предлагача, позовете и представника Министарства који заступницима, односно делегатима може дати све потребне информације.

С поштовањем,

Доставити:

- наслову
- архиви





MFA-BA-MPP  
Broj: 08/1-22-05-4-21385-3/23  
Datum: 28.09.2023.godine

Uredi: 02, 03, 04  
2 27 9  
08.10.23  
PREDSEDNIŠTVO  
HERCEGOVINE  
SARAJEVO  
03-10-2023  
IMLJENO.....  
Klasifikacija  
21 2018-1

**PREDSJEDNIŠTVO BOSNE I HERCEGOVINE  
SARAJEVO**

**PREDMET: Prijedlog Odluke o ratifikaciji Sporazuma između Vijeća ministara Bosne i Hercegovine i Vlade Republike Hrvatske o rekonstrukciji mosta Brčko (BiH) – Gunja (RH) na M-14.1. (BiH/ DC 214 (RH)), dostavlja se**

U privitku akta dostavljamo Prijedlog Odluke o ratifikaciji Sporazuma između Vijeća ministara Bosne i Hercegovine i Vlade Republike Hrvatske o rekonstrukciji mosta Brčko (BiH) – Gunja (RH) na M-14.1. (BiH/ DC 214 (RH)), koji je potpisan dana 12. rujna 2023. godine u Sarajevu, na jezicima u službenoj uporabi u Bosni i Hercegovini i na hrvatskom jeziku.

Predsjedništvo Bosne i Hercegovine je na 4. redovitoj sjednici, održanoj 30. ožujka 2023. godine, donijelo Odluku o prihvatanju Sporazuma između Vijeća ministara Bosne i Hercegovine i Vlade Republike Hrvatske o rekonstrukciji mosta Brčko (BiH) – Gunja (RH) na M-14.1. (BiH/ DC 214 (RH)), koju dostavljamo u privitku akta.

Molimo da Predsjedništvo Bosne i Hercegovine sukladno odgovarajućim odredbama Zakona o postupku zaključivanja i izvršavanja međunarodnih ugovora ("Službeni glasnik BiH" broj 29/00 i 32/13), provede proceduru ratificiranja navedenog Sporazuma.

S poštovanjem,


MINISTAR

Elmedin Konaković

Konaković

Privitak:

- Kao u tekstu



**S P O R A Z U M**  
**IZMEĐU**  
**VIJEĆA MINISTARA BOSNE I HERCEGOVINE**  
**I**  
**VLADE REPUBLIKE HRVATSKE**  
**O REKONSTRUKCIJI MOSTA BRČKO (BiH) - GUNJA (RH)**  
**NA M14.1 (BiH)/ DC 214 (RH)**

Vijeće ministara Bosne i Hercegovine i Vlada Republike Hrvatske (u daljnjem tekstu: ugovorne strane), na osnovu Sporazuma između Vijeća ministara Bosne i Hercegovine i Vlade Republike Hrvatske o održavanju i rekonstrukciji cestovnih mostova na državnoj granici, potpisanog u Zagrebu 29. septembra 2020. (u daljnjem tekstu „Sporazum od 29. septembra 2020.“), utvrdivši da postojeći most Brčko (BiH) - Gunja (RH) na M14.1 (BiH) / DC 214 (RH) ne udovoljava tehničkim i infrastrukturnim uvjetima potrebnim za siguran promet, sporazumjeli su se kako slijedi:

**Član 1.**

**Predmet Sporazuma**

Predmet ovoga sporazuma je osigurati uvjete potrebne za provođenje postupaka javne nabavke, izradu projektne dokumentacije, izvođenje radova, stručni nadzor nad radovima i način finansiranja rekonstrukcije mosta Brčko (BiH) - Gunja (RH) na M14.1 (BiH) odnosno na DC 214 (RH) (u daljnjem tekstu: most).

**Član 2.**

**Nadležna tijela za provođenje Sporazuma**

(1) Nadležna tijela za provođenje ovoga sporazuma su:

- u Bosni i Hercegovini: Ministarstvo komunikacija i prometa;
- u Republici Hrvatskoj: ministarstvo nadležno za promet i infrastrukturu.

(2) Za operativno provođenje ovoga sporazuma zadužuje se Zajedničko radno tijelo osnovano u skladu s članom 4. stavom 2. Sporazuma od 29. septembra 2020.

### **Član 3.**

#### **Projektiranje, priprema i izvođenje**

(1) Ugovorne strane sporazumjele su se da će prije početka radova uskladiti projektne elemente (dokumentaciju) u vezi s izvođenjem radova na mostu, na prilaznim cestama i pripadajućoj infrastrukturi.

(2) Projektiranje, priprema i izvođenje radova na mostu te postupci izdavanja dozvola i saglasnosti provest će se u skladu s unutrašnjim propisima ugovornih strana.

(3) Ugovorne strane sporazumjele su se da je za izradu projektne dokumentacije za rekonstrukciju mosta zadužena hrvatska strana.

(4) Projektnu dokumentaciju potrebno je izraditi u skladu s važećim zakonodavstvom Republike Hrvatske i važećim zakonodavstvom Bosne i Hercegovine, a ugovor potpisuju odabrani ponuđač, Hrvatske ceste d. o. o. i Ministarstvo komunikacija i prometa Bosne i Hercegovine. Za most se izdaje jedna građevinska dozvola koju izdaje nadležno tijelo Republike Hrvatske, uz saglasnost nadležnog tijela Bosne i Hercegovine.

(5) Nakon završetka izvođenja radova za most se izdaje jedna upotrebna dozvola koju izdaje nadležno tijelo Republike Hrvatske, uz saglasnost nadležnog tijela Bosne i Hercegovine.

### **Član 4.**

#### **Konkursi za izvođača radova i stručni nadzor**

(1) Ugovorne strane saglasne su da će za rekonstrukciju mosta biti objavljen javni konkurs.

(2) Postupak javne nabavke za izvođenje radova na rekonstrukciji mosta provode zajedno obje ugovorne strane, a nositelj aktivnosti je Republika Hrvatska. Postupak nabavke provodi se u skladu sa zakonodavstvom Republike Hrvatske, osim ako se ugovorne strane ne dogovore drugačije, ovisno o izvoru finansiranja navedenog projekta.

(3) Postupak javne nabavke stručnog nadzora nad radovima na rekonstrukciji mosta provode zajedno obje ugovorne strane, a nositelj aktivnosti je Bosna i Hercegovina. Postupak javne nabavke provodi se u skladu sa zakonodavstvom Bosne i Hercegovine, osim ako se ugovorne strane ne dogovore drugačije, ovisno o izvoru finansiranja navedenog projekta.

(4) Ugovore iz stava 2. i 3. ovoga člana s odabranim ponuđačima potpisuju Hrvatske ceste d. o. o. i Ministarstvo komunikacija i prometa Bosne i Hercegovine.

## **Član 5.**

### **Troškovi rekonstrukcije mosta**

Ugovorne strane sporazumjele su se o raspodjeli troškova za projektantske, pripremne i izvođačke radove na sljedeći način:

- a) troškove za izradu i reviziju projektne dokumentacije ugovorne strane snose u jednakim dijelovima (50:50%);
- b) troškove koji se odnose na izdavanje dozvola snose ugovorne strane svaka za sebe;
- c) troškove izvođenja radova na rekonstrukciji mosta ugovorne strane snose u jednakim dijelovima (50:50%);
- d) troškove nadzora nad radovima rekonstrukcije mosta ugovorne strane snose u jednakim dijelovima (50:50%);
- e) troškove izgradnje ili prilagođavanja prilaznih cesta do mosta na vlastitom državnom području svaka će ugovorna strana snositi sama.

## **Član 6.**

### **Rok završetka radova**

Ugovorne strane saglasne su da će se radovi na rekonstrukciji mosta izvoditi u skladu s pravilima struke i u razumnim rokovima te na taj način omogućiti završetak rekonstrukcije mosta u što kraćem vremenu kako bi most bio otvoren za redovan međunarodni cestovni promet.

## **Član 7.**

### **Odgovornost za štetu**

U slučaju da jedna od ugovornih strana bez osnovanog razloga odstupi od rekonstrukcije mosta prije početka ili tokom same realizacije, odgovara drugoj ugovornoj strani za prouzročenu štetu i nastale troškove te ih je dužna nadoknaditi.

## **Član 8.**

### **Rješavanje sporova**

Moguće sporove o tumačenju ili primjeni ovoga sporazuma ugovorne strane rješavaju sporazumno.

## **Član 9.**

### **Završne odredbe**

(1) Ovaj sporazum stupa na snagu tridesetog (30.) dana od datuma prijema zadnje pisane obavijesti kojom se ugovorne strane međusobno obavještavaju, diplomatskim putem, o ispunjenju uvjeta predviđenih njihovim unutrašnjim zakonodavstvom za njegovo stupanje na snagu.

(2) Svaka ugovorna strana može u pisanom obliku diplomatskim putem otkazati Sporazum. U tom slučaju Sporazum prestaje biti na snazi šest (6) mjeseci nakon datuma prijema obavijesti o otkazu Sporazuma.

(3) Ovaj sporazum se može izmijeniti i dopuniti uzajamnim pisanim pristankom ugovornih strana. Izmjene i dopune stupaju na snagu u skladu sa stavom 1. ovoga člana.

U potvrdu toga, niže potpisani za to propisano ovlašteni, potpisali su ovaj sporazum.

Sastavljeno u \_\_\_\_\_ dana \_\_\_\_\_ 20\_\_\_\_, u dva originalna primjerka, na službenim jezicima Bosne i Hercegovine (bosanskom, hrvatskom i srpskom jeziku) i na hrvatskom jeziku, pri čemu su svi tekstovi jednako vjerodostojni.

**Za Vijeće ministara  
Bosne i Hercegovine**

**Za Vladu  
Republike Hrvatske**